

Broj: 02-90/13

Sarajevo, 27. 9. 2013. godine

Na osnovu člana 7. Pravilnika o procedurama i kriterijima za izbor korisnika sredstava Fondacije za bibliotečku djelatnost br. 02-121/08, 02-6/10 i 02-54/11 i Odluke o raspisivanju Konkursa / Natječaja za izbor korisnika sredstava Fondacije za bibliotečku djelatnost za 2013. godine broj: 02-89/13 od 10. 9. 2013. godine, Upravni odbor Fondacije za bibliotečku djelatnost raspisuje

KONKURS / NATJEČAJ
za izbor korisnika sredstava
Fondacije za bibliotečku djelatnost za 2013. godinu

I - PREDMET KONKURSA / NATJEČAJA

Predmet Konkursa / Natječaja je prikupljanje prijava i izbor korisnika sredstava Fondacije za bibliotečku djelatnost (u daljem tekstu: Fondacija) za 2013. godinu.

II - OBLASTI U OKVIRU KOJIH ĆE SE VRŠITI IZBOR KORISNIKA SREDSTAVA

1. Otkup društveno vrijednih knjiga domaćih izdavača registriranih na području Federacije Bosne i Hercegovine, objavljenih u 2012. godini, radi popunjavanja knjižnog fonda biblioteka na području Federacije Bosne i Hercegovine novim naslovima
2. Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka i stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige

III – KRITERIJI ZA ODABIR KORISNIKA SREDSTAVA

Odabir programa i projekata vršit će se u skladu s usvojenim općim i posebnim kriterijima.

Opći kriteriji:

- kvaliteta programa ili projekta, potvrđen status i značaj;
- funkcionalna i ekonomska opravdanost ;
- nastavak realizacije započetih projekata;
- ravnomjerna regionalna i nacionalna zastupljenost;
- podrška programima i projektima koji imaju potporu lokalne zajednice;
- podrška programima i projektima koji imaju osigurano sufinansiranje;
- broj sudionika i širina prostora djelovanja;
- doprinos promociji i afirmaciji bosanskohercegovačke kulture i kulturnih identiteta;
- doprinos jačanju nacionalne i vjerske tolerancije;
- samoodrživost kandidiranih projekata i programa.

Posebni kriteriji:

1. Posebni kriteriji za oblast *Otkup društveno vrijednih knjiga domaćih izdavača registriranih na području Federacije Bosne i Hercegovine, objavljenih u 2012. godini, radi popunjavanja knjižnog fonda biblioteka na području Federacije Bosne i Hercegovine novim naslovima:*

- povijesna, znanstvena, kulturna i tradicijska vrijednost knjige;
- pouzdanost i ugled izdavača;
- društveni, književni ili stručni autoritet autora;
- nagrađivanost knjige;
- afirmativan prijem knjige u javnosti;
- prve knjige talentiranih mladih autora.

2. Posebni kriteriji za *Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka i stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige*

a) Posebni kriteriji za *Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka:*

- potreba korisnika i zaposlenih za informatičkom opremom;
- umrežavanje u COBISS sustav;
- nedovoljna tehnička opremljenost biblioteke;
- nedostatak polica za knjige.

b) Posebni kriteriji za *Stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige:*

- prezentiranje inovacija u bibliotečkoj djelatnosti;
- organiziranje seminara i manifestacija iz domena bibliotečke djelatnosti s već ostvarenom tradicijom;
- objedinjavanje i koordiniranje bibliotečkog rada na području Federacije BiH;
- sudjelovanje u popularizaciji i propagandi knjige.

IV - PRAVO SUDJELOVANJA

1. Pravo podnošenja prijava na Konkurs / Natječaj za oblast *Otkup društveno vrijednih knjiga domaćih izdavača registriranih na području Federacije Bosne i Hercegovine, objavljenih u 2012. godini, radi popunjavanja knjižnog fonda biblioteka na području Federacije Bosne i Hercegovine novim naslovima* imaju pravne osobe registrirane na području Federacije Bosne i Hercegovine i fizičke osobe sa stalnim mjestom boravka u Federaciji Bosne i Hercegovine ukoliko apliciraju s vlastitim izdanjem.

2. Pravo podnošenja prijava na Konkurs / Natječaj za oblast *Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka i stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige* imaju pravne osobe registrirane na području Federacije Bosne i Hercegovine.

V - NAČIN ODABIRA KORISNIKA SREDSTAVA

Način odabira korisnika sredstava utvrđen je Pravilnikom o procedurama i kriterijima za izbor korisnika sredstava Fondacije za bibliotečku djelatnost br. 02-121/08, 02-6/10 i 02-54/11.

VI - SADRŽAJ PRIJAVE ZA SUDJELOVANJE

Obavezna dokumentacija :

1. Popunjen i potpisan Prijavni obrazac, dostavlja se kao *original* (pravna i fizička lica);
2. Popunjeni i potpisani Obrasci 1a, 2 i 3 za oblast II-1 ovog konkursa / natječaja, odnosno obrasci 1b, 2 i 3 za oblast II-2 ovog konkursa / natječaja, dostavlja se kao *original* (pravna i fizička lica);
3. Aktualni izvod iz sudskog registra ili registra Federalnog ministarstva pravde ne stariji od tri mjeseca od datuma objave Konkursa / Natječaja, dostavlja se kao *original ili ovjerena kopija* (pravna lica);
4. Uvjerenje o poreznoj registraciji - ID broj, dostavlja se kao *ovjerena kopija*, pri čemu ovjera ne smije biti starija od tri mjeseca od datuma objave Konkursa / Natječaja (pravna lica);
5. *Ovjerena kopija* lične karte / osobne iskaznice, pri čemu ovjera ne smije biti starija od tri mjeseca od datuma objave Konkursa / Natječaja i prijava mjesta boravka – CIPS ne starija od tri mjeseca, dostavlja se kao *original* (fizička lica);
6. Potvrda od banke o otvorenom računu ne starija od tri mjeseca od datuma objave Konkursa / Natječaja, dostavlja se kao *original ili ovjerena kopija* (pravna i fizička lica);
7. Bilans stanja i uspjeha za 2012. godinu sa pečatom Agencije za financijske, informatičke i posredničke usluge, dostavlja se kao *kopija* (pravna lica);
8. Potvrda o sufinanciranju, dostavlja se kao *kopija* (ukoliko podnositelj ima takvu potvrdu);
9. Jedan primjerak naslova, dostavlja se kao *original* (za oblast II - 1 ovog konkursa / natječaja);
10. Potpisan i ovjeren ugovor između izdavača i autora, dostavlja se kao *ovjerena kopija*, pri čemu ovjera ne smije biti starija od tri mjeseca od datuma objave Konkursa / Natječaja (za oblast II - 1 ovog konkursa / natječaja);

VII - VAŽNE NAPOMENE

1. Opće napomene:

- Upravni odbor Fondacije, odnosno službenici Fondacije, imaju pravo provjeriti dostavljene podatke.

2. Napomene za oblast Otkup društveno vrijednih knjiga domaćih izdavača registriranih na području Federacije Bosne i Hercegovine, objavljenih u 2012. godini radi popunjavanja knjižnog fonda biblioteka na području Federacije Bosne i Hercegovine novim naslovima:

- Knjige-publikacije ponuđene za otkup moraju imati uredan ISBN Nacionalne i univerzitetske biblioteke Bosne i Hercegovine.

- Sva izdanja knjige-publikacije pisana na bosanskom, hrvatskom i srpskom jeziku, pisana latiničnim i ćiriličnim pismom, bit će ravnopravno tretirana.
- Izdavač može ponuditi za otkup samo ono izdanje knjige-publikacije koje je sam izdao (isključena su trgovinska posredovanja među izdavačima i knjižarskim distributivnim kućama).
- Radi zaštite autora i poštovanja autorskih prava (uključujući i prevoditelje djela), izdavač mora priložiti odgovarajuće potpisani i ovjereni ugovor između izdavača i autora.
- Ukoliko se radi o prijevodu djela s nekog od stranih jezika, u obzir će se uzeti samo ona djela koja imaju navedeno puno ime i prezime prevoditelja.
- Ukoliko se na natječaj za otkup knjiga pojave iste knjige-publikacije od strane dva ili više izdavača koja udovoljavaju svim navedenim kriterijima, prednost za otkup dijela tiraža imat će onaj izdavač koji za svoje izdanje ponudi: 1. uvjerljiviji prijevod djela ako je riječ o prijevodu s nekog stranog jezika, 2. kvalitetniju opremu knjige i 3. povoljniju cijenu za svoje izdanje.

3. Napomene za oblasti: Opremanje javnih (narodnih, općih, gradskih, općinskih, kantonalnih i matičnih) i specijalnih biblioteka i stručno usavršavanje bibliotekara (putem seminara) i manifestacije za popularizaciju bibliotečke djelatnosti i knjige:

- Korisnici koji dobiju namjenska sredstva imaju obavezu da Fondaciji dostave izvještaj s računima i uplatnicama kojima se dokazuje da su dodijeljena sredstva namjenski utrošena.
- Prijave korisnika koji nisu dostavili izvještaje o namjenskom utrošku sredstava za ranije godine neće biti razmatrane.

VIII - DOSTAVLJANJE PRIJAVA NA KONKURS / NATJEČAJ

Prijave s obavezno popunjenim aplikacijskim obrascima i potrebnom dokumentacijom podnose se isključivo putem pošte na adresu: Fondacija za bibliotečku djelatnost, Obala Maka Dizdara 2, 71 000 Sarajevo.

Aplikacijski obrasci se mogu preuzeti na internet stranici www.fondacijabiblioteka.ba u odjeljku OBRASCI.

Obavezan primjerak naslova koji se dostavlja za poziciju II – 1 ovog konkursa / natječaja može se dostaviti osobno u prostorije Fondacije za bibliotečku djelatnost, Obala Maka Dizdara broj 2, Sarajevo.

Rok za podnošenje prijava je od 27. 9. do 28. 10. 2013. godine.

Dokumentacija i prilozi koji budu dostavljeni za sudjelovanje u Konkursu / Natječaju neće se vraćati.

Nepotpune i neblagovremene prijave neće biti uzete u razmatranje.

Rezultati Konkursa / Natječaja bit će objavljeni na internet stranici www.fondacijabiblioteka.ba u roku od 45 dana od dana zatvaranja Konkursa / Natječaja.

PREDSJEDNIK
UPRAVNOG ODBORA
Miro Petrović